

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1315 del 11/05/2023

Traduzione in ladino

Joegn ladins te n campus internazionèl per jir sorafora i confins linguistics

De gra a n projet metù a jir delate da la rei Network to Promote Linguistic Diversity (NPLD) che la laora tel ciamp de la politica e de la pianificazion linguistica te l'Europa, 24 students anter i 14 e i 17 egn che i vegn da 8 raions linguistics europeegn, compagné da sie insegnanc, i tolarà pèrt al projet ECCA – European Charter Classroom Activities (Unitèdes Didatices su la Chèrta Europeèna) per ge dèr luster a sie lengac e per entener l'empurtanza de la Chèrta Europeèna per i Lengac Regionèi o de Mendranza.

Che él pa l projet ECCA?

L é na scomenzadiva te chela che la scoles pel lurèr te clas en cont de la Chèrta Europeèna per i Lengac Regionèi o de Mendranza. L projet ECCA à l zil de lurèr fora ativitèdes didatices spezifiches da durèr te clas e de fèr scontrèr joegn e insegnanc che vegn da raions linguistics desvalives. Tel mondo l é passa 7000 lengac cognosciui amò duré; 60 de chisc l é idiomes regionèi o del post rejoné da presciapèch 40 milions de persones te l'Europa. L projet ECCA vel fèr acioche i joegn europeegn sapie l'empurtanza de sie lengaz de mendranza, i sie stolc de l rejonèr e en consaputa che i lengac de la Union Europeèna no l é demò i 24 recognosciui ofiziamenter.

La endesfida ECCA

Desvaliva scoles de raions de mendranza da duta Europa à tout pèrt, fora per chest an, a na competizion endrezèda da ECCA. Te la Spagna, te la Tèlia, tel Gales, te la Romania, te la Svezia e ti Paijes Basc ge é stat domanà ai students de ge responder a chesta domana: perché pa la jent da dut l mondo cognessela vegnir a descorsir tie raion linguistich? I 24 joegn più creatives i é stac cernui per tor pèrt al projet ECCA passan sorafora i confins de gra al lengaz dal post.

I bec vegn da chesta scoles: Scola Ladina de Fascia (Sèn Jan), Istituto Statale di Istruzione Superiore "Magrini Marchetti" (Gemona del Friuli, Udin), Scola auta Ady Endre (Budapest, Ungheria), Escola Andorrana de Batxillerat (La Margineda, la Vella, Andorra), Salesianos Barakaldo (Bilbao, Biscaglia), Ysgol Garth Olwg (Church Village, Galles), Sverigefinska skolan and CSG Bogerman Balk (Balk, Provinzia de la Frisia).

L campus ECCA

Endèna l fin de setemèna del campus ECCA, i partezipanc farà n percors linguistich te 8 idiomes desferenc. I empararà ence coche se doventa Mobile Journalist (MoJo) – giornalista dal fonin, endrezan n servije informatif per l Consei d'Europa duran sie lengaz e rejonan de chest. L projet ECCA se met dant de fèr scontrèr i joegn percheche i se baratee esperienzes e sie sentiments tel rejonèr n lengaz regionèl o de mendranza, e percheche i abie na consaputa pojitiva en cont del valor enjontà del bi- e multi-linguism.

La Network to Promote Linguistic Diversity

L projet ECCA vegn metù a jir de gra a n cofinanziamet de la Network to Promote Linguistic Diversity (NPLD) e col contribut di membres de la scomenzadiva. La NPLD l é na rei europeèna che se cruzia de politica e pianificazion linguistica te l'Europa. La tol ite goergn tant nazionèi che regionèi, universitèdes e sociazions. I membres touc ite te ECCA l é: la Provinzia de Trent tres l Istitut Cultural Ladin "majon di

fascegn", l'Agenzie Regjonâl pe Lenghe Furlane (ARLeF), la Partium Christian University, la Xarxa Vives d'Universitats, l'Consei provinzièl de Bizkaia, l'Goern del Gales, la Università de Stockholm e la Provincia de la Frisia.

I resultac de ECCA

I resultc del campus ECCA i é da veder sui social: sun Instagram ([thisismylanguage.eu](https://www.instagram.com/thisismylanguage)), Twitter ([myeulanguage](https://twitter.com/myeulanguage)) e ti 8 lengac che tol pèrt su la piata web del projet. De setember, l meisc de la Dì Europeèna di Lengac, a Bruxelles, ge vegnarà portà dant ai raprezentanc de la Istituzions europeènes i esic de la scomenzadiva.

Per saer de più o per tor contat direto coi desvalives raprezentanc de vigni raion contatèr la **referenta ladina del projet Sabrina Rasom**, direttore@istladin.net. Per aer maora informaziions veder la piata web ECCA: www.thisismylanguage.eu

Traduzion del Istitut Culturel Ladin "Majon di Fascegn"

(cdt)